

Un Krimen Hororoso!

Nèt e mama a kaba di duna lus. E beibi tabata algun luna tempran. Ma ningun zùster a sek'è, midi'è, pis'è, bisti'è, pon'è den inkubadora. Na lugá di usa “zuiger” pa chupa sleim for di boka di e beibi, e médiko a us'è pa kometé un barbaridat horror-oso. Ku e kriatura drumí ainda den e plasenta, e “zuiger” potente a ranka su brasa delikado. Krak! E wesu a skit fo'i su lugá. E beibi indefenso trosiendo di doló a habri su boka ku un gritu silensioso. Ma dòkter no a hasi kaso, ni pas'è angua pa freska e doló insoportabel. El a pèrsistí, “zuiger” ta ranka te kita henter e brasa chikitu intakto huntu ku un pida di skouder, pasa dor slang di “zuiger” pa un bòter. Di nobo esun ku mester ta na vanguar-dia di bida humano a sigui su trabou salbahe. E biaha aki na un pia. Ranka, ranka, ranka te ku e “zuiger” a guli e pia. Mas rankamentu penoso i kokoti di pia tur na sanger a ser depositá den e bòter. E beibi no a sapatíá mas; e ta hopi ketu awor.

Djei e “zuiger” a alkansá pechu di e kriatura. Chupa, chupa, chupa bida for di e kurpa delikado heridá. Kurason, pulmon, garganta a desparesé den e slang. Anto “zuiger” a pega. Kabes di e kriatura tabata muchu grandi pa pasa den e slang fini. E médiko burdugu, usando un “curette,” un hèrmènt den formá di un kuchara, sin miserikòrdia a kuminsá kòrta, raska, kap kurpa di e beibi na pidanan chikitu, kibrando wesunan na wèrki, garnando kraneo, kuartisando e kriatura. Di nobo e “zuiger” teribel a kuminsá chupa, yenando e bòter ku pidanan di múskulo, kueru, wesu, sanger, i plasenta, un bista spantoso. Ora e “zuiger” karni-vora a paga, un zùster a habri e bòter pa chèk ku tur e pidanan di kurpa t'ei promé ku ta deshasí di su kontnido.

I mas spantoso: henter e tempu ku e matansha a tuma lugá, mama di e kriatura tabata presente, un partisipante boluntario, asta pagando e karnisero médiko pa su “servisio” kriminal.

Nos por pensa ku e krimen lo ta titular di notisia. Ma ni korant, ni radio, ni televishon a reportá e barbaridat. Nos por pensa ku e médiko ku a kometé e krimen hororoso lo ta arestá. Ma e ni a haña but; ni asta polis a bati na su porta.

Nos por pensa ku nos gobernantenan lo aktua. Ma nan a sera wowo pa e akto ilegal. Nos por pensa ku pueblo lo protestá. Ma siendo konsiente di e matansha spantoso, nan no a hasi kaso.

Henter e relato aki ta bèrdat! E ta bèrdat ku eksepshon di un solo echu: e matansha tan kruel a sosodé den skuridat di matris di e beibi su mama.

Esaki ta e krueldat ku bo yu indefenso ta eksperensíá na man di un dòkter burdugu ku ta kòrta, kap, i kibra te ku tur loke ta so-bra di bo yu abortá ta pidanan di un kurpa humano den un bòter.

Esaki ta loke ta sosodé ku hopi beibi na nos islanan ku ni tin chèns pa nase. Segun Organisashon Mundial di Salubridat **esaki ta loke ta sosodé 150.000 bes pa dia rònt mundu, tur dia.** Den un aña, mundu ta asesiná 54.750.000 beibi indefenso; un kantidat igual ku henter e poblashon di Fransia!

Kon nos por pèrmití e masakre masal pa kontinuá? Talbes ta pasobra e kuartisashon ta tuma lugá for di bista, den matris di e mama. Si a kap e kurpa delikado na pida den pleno bista, tur hende lo protestá. Hende asta lo protestá si a trata un fetu bibu di kabritu di e forma ei. Ma debí ku e krueldat ta sosodé fuera di nos bista, nos ta bira insensibel pa e barbaridat di e krimen.

Segun Beibel, Dios *“a forma mi riñonnan; Bo a wef mi, formámi den barika di mi mama...mi ta trahá na un manera temerosamente maraviyoso...Mi wesunan no tabata skondí pa Bo, tempu ku mi a wòrdu trahá na sekreto...”* (Salmo 139:13-15). E mandamentu di nos Kreador, *“No mata”* (Eksodo 20:13) ta apliká na tur ser humano fo'i momentu di konsepsion. Maske aborto ta sosodé fuera di bista, e ta un akto di rebeldia flagrante kontra nos Kreador i un krimen hororoso.